



Абдулла Кодирий ва жадидчилек масаласи мавзуси кодирийшуносликнинггина эмас, адабиётшунослигимизнинг хам мухим ва долзарб, лекин шу пайтга кадар етарлича эътибор берилмай келаётган масалаларидан. Мухимлиги шундаки, Абдулла Кодирийдек ўзбек адабиётида янги йўл-йўналишни бошлаб берган, ўзбек романчилик мактабига асос солган сиймонинг жадидчилек номи билан тарихга кирган XX аср бошидаги етакчи ижтимоий-сиёсий, маданий-маърифий харакатдан четда туриши мумкин эмас эди. Тўгрироги, Кодирий феномени, аслида, жадидчилекнинг адабиётда намоён бўлишидир. «Ўткан кунлар», биринчи навбатда жадид адабиётининг, иккинчи номи билан айтганда, янги ўзбек адабиётининг энг куркам маҳсули. Бунинг ажабланадиган жойи йўк. Таажжубимиз сабаби, битта ходисани турли номлар билан атаётганимизда ва уларнинг хали онгимизга сингиб улгурмаганида. Иккинчидан, совет мафкураси томонидан бир вактлар «халк душмани» рамзига айлантирилган «жадид» сўзини тилга олиш кўркувининг хали-хануз сўнгакларимиздан чикиб кетмаганлигига. Лекин бугун бу нарса кўёшнинг борлиги кадар ойдин хакикат бўлиб турибди. У хам бўлса, жадидчилек аталмиш ходисанинг тарихимизда кечгани, унинг кўхна Туркистон маданий-маънавий янгиланишида буюк омил бўлгани. Тўгри, уни баҳолашда, хусусан, мазкур ходисанинг майдонга келиши ва тараккиёт боскичларини белгилашда хар хиллик йўк эмас ва бу, канчалар табиий бўлса, шу кадар конуний хамдир.

Шунга кўра, куйидаги уч масалага диккатингизни каратмоқчиман. Биринчиси, айрим тадқикотчиларимиз ўз илмий-тадқикот ишларида жадидчилекни умуман эътироф этган холда, уни 1905 йилдан кейин шаклланган ва 1917 йилларгагина дахлдор хисоблайдилар. Бизнинг нуктаи назаримиз бир оз бошкача. Ва биз буни 2002 йилда нашр килинган «Миллий уйгониш» китобимизда очикрок хамда батафсил ифодалашга харакат килганмиз. Бу йил чоп этилиши мўлжалланган «Миллий уйгониш даври ўзбек адабиёти» дарслигига бу нуктаи назар муайян тизим холига келтирилган. Ундаги лейтмотив шундай:

Туркистон жадидчилиги XIX аср охири — XX аср бошларида юртимизда майдонга келган муайян ижтимоий-сиёсий шароит маҳсули. У сиёсий хаётда 1892 йилги эрк ва озодлик курашларидан 1917—1918 йилларда Туркистон муҳториятини эълон килиш ва истиклолчилик харакатларигача бўлган воқеаларни ўз ичига камраб олди.

Маданий-маънавий ишларда XIX асрнинг 90-йилларида очилган «усули жадид»

мактабларидан ўнлаб ёшларни тараккий килган мамлакатлар олий ўкув юртларига юбориш ва замонавий миллий кадрлар етказиши, нихоят, ўз миллий университетини очиш даражасигача кўтарилиди. Миллий матбуотни майдонга келтирди, миллий театрга асос солди. Бадиий ижод соҳасида эса, оддий майший-ахлокий мавзулар тасвиридан ўзликка талпинган оталаримизнинг турмуш ва интилишларини, мураккаб ва галаёнли руҳиятини бутун зиддияти билан очиб берувчи кенг диапазонли, ранг-баранг жанрларга эга серранг ва сероҳанг адаби-ётгача бўлган йўл босиб ўтилди.

Шуларга кўра, биз Туркистон жадидчилигини «XIX аср охирларидан шакллана бошлаган, XX аср бошларида тўла намоён бўлган, октябрь воқеаларидан кейин хам 20-йилларнинг ўрталарида кадар кизгин давом этган, 1929 йилдан кейин «Ким кимни енгади?» деган шиор советлар фойдасига хал бўлгач, бўхронга кирган», — деган фикрдамиз.

Бинобарин, янги ўзбек адабиётимизнинг энг сара намуналари майдонга келган 20-йилларнинг биринчи ярми жадидчиликнинг сўнгги боскичи. Жадидчилик маънавий-маданий соҳаларни янги изга соглани сингари адабиётда хам уч буюк бонийни ўртага чикарди. Чўлпон янги ўзбек шеъри биносига асос солди. Фитрат янги адабий-бадиий тафаккурни бошлаб берди, чинакам драматургия намуналарини яратди. Кодирий ўзбек романчилигининг отаси бўлиб тарихга кирди.

Иккинчиси, Абдулла Кодирийнинг шаклланишида жадидчиликнинг роли ва ўрни масаласи.

Абдулла Кодирий Туркистонда жадидчилик харакат сифатида эндиғина ниш ураётган, «усули жадид» мактаблари ўлкада яккам-дуккам очила бошлаган бир пайтда тугилди.

Ўшанда юртимизга машхур «Таржимон»нинг кела бошлаганига 10 йилдан ошган эди. «Усули жадид»нинг -халқ орасига кирганига роса 10 йил тўлган эди. Бир йил олдин — 1893 йили унинг назариётчиси ва амалиётчиси Исмоил Гаспринский Мажид Ганизода деган ширвонлик шогирди билан ўша давр Туркистонининг ахамиятига кўра иккинчи шахри хисобланган Самаркандда бўлиб, 40 кун «усули жадид» сабокларини ўкиган эдилар. Абдулла мактаб ёшига етган йилларда янги усул мактаблари учун бир нечта дарслик босилиб чиккан эди. У «бир бойга хизматчиликка» берилган 1906 йилда миллий матбуотимиз дастлабки кадамларини кўяётган, машхур Махмудхўжа Бехбудий Мунавваркорининг «Хуршид» газетасида иштироқиончилар фирмасининг дастур ва аъмолини инсоф ва адолатгагина эмас, ахлок ва одобга хам номувофик топган, бир йилдан сўнг ўзининг «Туркистон мухторияти дастури»ни тузиб, «Иттифоки муслимин» раҳбарияти оркали Давлат Думаси мухокамасига киритиш ишлари билан шугулланар эди. Мана, маърифат ва сиёsatдаги ўзгаришлар. Ёш, хар нарсага ўта кизикувчан, унинг устига рус-тузем мактабига катнаётган Абдулланинг булардан бехбар бўлиши эҳтимолдан узок, албатта.

Туркистон адабиётини зимдан кузатиб келаётган А. Н. Самойлович 1909 йилдаёк бу ерда янги адабиёт майдонга келаётганини маълум килган ва хакикатан хам «Миллий шеърлар» ёзила бошлаган, 10-йиллардан театр асарлари, замонавий наср ва ўткир публицистика даврий матбуот ва ноширикни шошириб кўйган эди. Бинобарин, Абдулла Кодирий «Падаркуш» пьесаси таъсирида «Бахтсиз куёв» деган театр китобини ёзиб юборганини ўзи хам пайкамай колган» экан, бунда хеч бир муболага йўк. У Ватан багрида етилиб, тўлиб-тошиб келаётган жадидчиликдан баҳраманд бўлган, бошкacha айтганда, миллий уйгониш хавосидан нафас олган ва ўз фаолияти билан уни янада мукаммаллаштириш истаги билан яшаётган ёшлардан эди. Унинг «Турон» жамиятига ишга ўтиши, хатто 1918 йилда Озик комитетида ишлаши хам буни тасдик этади. Бу

борада биргина мулохаза бўлиши мумкин, у хам бўлса, бу талкинларнинг ёзувчи 1926 йилда ўз кўли билан ёзган «Таржимаи хол»ига у кадар рост келмаслиги. Менимча, бу ерда хеч бир англашилмовчилик бўлмаслиги керак. Чунки «Таржимаи хол» 1926 йили, ёзувчи «тескаричи, миллатчи» деб асоссиз айбланиши муносабати билан ёзилганлиги мутахассисларга маълум. Иккинчидан, худди шу йили советлар жадидчиликка карши кураш компаниясини бошлаганларини, «Иногомовчилик» деган «жиноий иш» очилиб, ўттиздан ортик киши камокка олинганини эслайлик.

«Падаркуш»га хавола масаласи эса, советларнинг бу борада гоят маккорона ва мунофикона йўл тутганлиги билан изохланади. Яъни бир томондан жадидлар катагони бошланди, иккинчи томондан бир вактлар ўзлари амирга ушлаб берган, катл этилишини томоша килганлари Бехбудийнинг номини абадийлаштириш максадида Карши шахрига унинг номи берилди.

Ва нихоят, Абдулла Кодирий асарларининг, биринчи навбатда, «Ўткан кунлар»нинг жадид адабиётига алокадорлиги масаласи.

Назаримда, бу ерда хам гап кўпроқ атамаларимизда ва бир кадар ёндашувларимизнинг бир-биридан фаркланишида. Агар биз жадидчиликнинг XIX аср охири ва XX аср бошларидаги Туркистоннинг асосий ва етакчи харакатчилиги эканини эътироф этсак, унинг шартли равишда ажратиш мумкин бўлган «ташаккул»(XIX асрнинг 80-90-йиллари), «тараккий» (1900-1917 йиллар), «таназзул» (1918-1929) даврларини хам кабул килмок керак бўлади. Унинг 1917 йилдан 1929 йилгача бўлган даврини тан олмаслик, октябрь вокеасидан кейинрок советлар ўрнатилиб, социалистик мафкура карор топди, инкилобий ўзгаришлар амалга оширилиб, янги жамият барпо этилди, деган эски ашулани кайтариш бўлур эдики, бу хакикатга хилофлигидан ташкари жадидчиликнинг хам мохиятига зиддир. 1917-1929 йилларга мохиятан факат икки тарафдан (жадидчилик, советчилик)гина ёндашиш мумкин. Учинчи йўл йўк. Агар жадидчилик сифатида талкин килинадиган бўлса, бу давр адабиётини жадид адабиёти, «Ўткан кунлар»ни эса, унинг энг гўзал намунаси сифатида эътироф этмок керак бўлади. Асарда эса, бунга жавоб берадиган барча компонентлар бор. Ортичча тафсилотларга берилмасдан, биргина нуктани кайд этиш билан чекланамиз. Асар, номланишидан кўриниб турганидек, ўтган кунлар, муаллиф таъкидлаганидек, «тарихимизнинг энг кирлик, кора кунлари» хакида эди. Масалани бу хил кўйиш шўро даврининг талаб ва эҳтиёжини кўзда тутади. Унга кўра, тарих ўтмиш ва бугунга ажратилиб, бири иккинчи-сига карама-карши кўйилмоги, бири рад этилиб, иккинчиси улугланмоги лозим эди. Яширишнинг хожати йўк, совет даври адабиётшунослиги 20-йилларда хам, 60-йилларда хам уни худди шу жихатдан тахлил ва талкин этди, яъни тарихимизнинг «кирлик», «кора кунлари» нималар-у, улар кандай кўрсатилгани устида фикр юритди. Бўлиб ўтган баҳс-мунозаралар эса, асосан, бу асарнинг юкоридаги андозага сигмаган жихатлари — муаллифнинг ўз каҳрамонларига муносабати, урф-удумларимиз, анъаналаримиз тасвири кабилар борасида кетди. Ўз даврида эса, у син-фий ёндашмаганлиги, ўтмишга тошни яхшиrok отмаганлиги учун кораланган эди. Истиклол даврида эса, у «истиклол кайгуси»ни ўзида ташиган асар сифатида тахлил этилмокда. Бунга кўшимча килиб, романни «ўткан кунлар»дан «кир» эмас, «нур» топган, бенихоя оғир замонларда, хаётларининг энг баҳтсиз онларида хам юксак ички маданият, нозик дидлилик, комил ахлок ва одоб намуналарини намойиш этган оталаримиз турмуши, гўзал оиласи муносабатлар, бетакрор миллий колорит тасвири оркали ўзликни танитмокка каратилган асар хам демак керак бўла-ди. Бу эса,

жадидчиликнинг, бошқача айтганда, миллий уйгонишнинг бош хусусияти, миллатни
миллат килувчи анъаналар эди.

Юкоридагиларга кўра, Абдулла Кодирий жадидчилик ва жадид адабиётининг марказий
сиймоларидандир.

Бегали Косимов, “Уйгонган миллат маърифати” китобидан